

К ОПУБЛИКОВАНИЮ

КОМИ РЕСПУБЛИКАЛӦН

ОЛАНПАС

Коми Республика мутасын ветеринария юкӧнын торъя юалӧмъяс ладмӧдӧм йылысь

Примитӧма Коми Республикаса

Каналан Сӧветӧн

2021 вося кӧч тӧлысь 30 лунӧ

1 статья. Панас

1. Тайӧ Оланпасыс «Ветеринария йылысь» Россия Федерацияса Оланпас серти ладмӧдӧ Коми Республика мутасын ветеринария юкӧнын торъя юалӧмъяссӧ.

2. Тайӧ Оланпасын вӧдитчан кыввежӧртасъясӧн да терминъясӧн вӧдитчӧны «Ветеринария йылысь» Россия Федерацияса Оланпасын индӧм вежӧртасъясын.

3. Ӧткымын юалӧм, кутшӧм йитчӧма пемӧсьяслӧн торйӧн ёна ӧпаснӧй висьӧмъяслысь паськаланінъяссӧ бырӧдигӧн пемӧсьясӧс да (либӧ) скӧт видзан прӧдукция босьтӧмкӧд, ладмӧдӧны «Коми Республика мутасын пемӧсьяслӧн торйӧн ёна ӧпаснӧй висьӧмъяслысь паськаланінъяссӧ бырӧдигӧн пемӧсьясӧс да (либӧ) скӧт видзан прӧдукция босьтӧмкӧд йитчӧм ӧткымын юалӧм йылысь» Коми Республикаса Оланпасӧн.

2 статья. Коми Республика мутасын ветеринария юкӧнын

Коми Республикаса Каналан Сӧветлӧн

уджмогъяс

Коми Республика мутасын ветеринария юкӧнын Коми Республикаса Каналан Сӧветлӧн уджмогъяс лыдӧ пырӧны:

1) Коми Республика мутасын ветеринария юкӧнын Коми Республикаса оланпасъяс примитӧм;

2) Коми Республика мутасын ветеринария юкӧнын Коми Республикаса оланпасъясӧ кутчысьӧм да найӧс олӧмӧ пӧртӧм бӧрся видзӧдӧм;

3) мукӧд уджмог, кутшӧмӧс Россия Федерацияса оланпастэчасӧн пыртӧма Россия Федерацияса субъектыслӧн оланпас пыртысь (бӧрйӧм) канму власьт органъяслӧн уджмогъясьӧ.

3 статья. Коми Республика мутасын ветеринария юкӧнын Коми Республикаса Юралысьлӧн уджмогъяс

Коми Республика мутасын ветеринария юкӧнын Коми Республикаса Юралысьлӧн уджмогъяс лыдӧ пырӧны:

1) федеральнӧй оланпасъяс да Россия Федерацияса мукӧд нормативнӧй инӧда акт, а сіджӧ «Ветеринария йылысь» Россия Федерацияса Оланпаслӧн 3¹ статьяса 3 пунктӧн урчитӧм нормативнӧй инӧда актъяс серти Россия Федерацияӧн сетӧм уджмогъяс олӧмӧ пӧртӧм серти удж котыртӧм, кутшӧмъясьӧс индӧма «Ветеринария йылысь» Россия Федерацияса Оланпаслӧн 3¹ статьяса 1 пунктын (водзӧ – сетӧм уджмогъяс), сы лыдын:

а) карантин да мукӧд дзескӧдӧм урчитӧм, кутшӧмъясьӧс веськӧдӧма Коми Республика мутасын пемӧсьяслӧн вуджан да мукӧд висьӧмлысь паськаланінъяс паськалӧмысь видзчысьӧм да найӧс бырӧдӧм вылӧ (водзӧ – дзескӧдан мероприятиеяс (карантин));

б) Коми Республика мутасын дзескӧдан мероприятиеяс (карантин) дугӧдӧм;

2) Коми Республикаса олӧмӧ пӧртысь власьт органӧн веськӧдлысь чинӧ индӧм, кодӧ пӧртӧ олӧмӧ сетӧм уджмогъясьӧ;

3) Коми Республикаса олӧмӧ пӧртысь власьт органӧн веськӧдлысь чинысь вештӧм, кодӧ пӧртӧ олӧмӧ сетӧм уджмогъясьӧ;

4) Коми Республикаса олӧмӧ пӧртысь власьт органъяслысь тэчасӧ вынсьӧдӧм, кодъяс пӧртӧны олӧмӧ сетӧм уджмогъясьӧ;

5) федеральной оломö пöртысь власьт органö, кодi пöртö оломö агропромышленной комплекс юкöнын, сы лыдын ветеринария, канму политика дасьтöм да нормативной-инöд боксянь ладмöдöм серти могъяссö, ас кадö татшöмторьяс сетöмсö могмöдöм:

а) сетöм уджмогъяс оломö пöртан юалöмьяс серти Коми Республикаса канму власьт органьясöн примитан нормативной инöда актъяслысь экземплярьяссö;

б) пемöсьяслөн вуджан висьöмьяс серти эрдöдöм случайяс йылысь тöдмöгъяссö;

в) мукöд юöрсö, кутшöмöс урчитöма федеральной оломö пöртысь власьт органлөн нормативной инöда актъясöн, кодi пöртö оломö агропромышленной комплекс юкöнын, сы лыдын ветеринария, канму политика дасьтöм да нормативной-инöд боксянь ладмöдöм серти могъяссö;

б) Россия Федерацияса ветеринария оланпастэчасöн урчитöм пемöсьяслөн вуджан висьöмьяслысь паськаланінъяссö бырöдöм серти специальной мероприятиеяс оломö пöртöмсö могмöдöм сэк, кор Коми Республика мутасын урчитöма дзескöдан мероприятиеяс (карантин);

7) Россия Федерацияса оланпастэчас да Коми Республикаса оланпастэчас серти мукöд уджмог.

4 статья. Коми Республика мутасын ветеринария юкöнын

Коми Республикаса Вескöдлан котырлөн

уджмогъяс

1. Коми Республика мутасын ветеринария юкöнын Коми Республикаса Вескöдлан котырлөн уджмогъяс лыдö пырöны:

1) Коми Республика мутасын федеральной мероприятиеяс збыльмöдöмын участвуйтöм;

2) Коми Республика мутасын пемöсьяслөн висьöмьясысь видзчысьöм да найöс бырöдöм да пемöсьяс бурдöдöм серти мероприятиеяс нуöдöмсö котыртöм;

3) йӧзлы да пемӧсьяслы ӧткодь висьӧмъясысь олысьясӧс видзӧм, юалӧмъяс кындзи, кутшӧмъясӧс решитӧмсӧ пыртӧма Россия Федерациялӧн веськӧдлӧм улӧ;

4) ветеринария юкӧнын специалистъясӧс пасйӧм, кодъяс оз лоны органъяслӧн да организацияслӧн уполномочитӧм йӧзӧн, кутшӧмъяс пырӧны Россия Федерацияса канму ветеринарнӧй службалӧн системаӧ, кодъяс нуӧдӧны ветеринария юкӧнын предпринимательство удж;

5) Россия Федерацияса оланпастэчас да Коми Республикаса оланпастэчас серти мукӧд уджмог.

2. Коми Республикаса Веськӧдлан котырлысь уджмогъяссӧ, кутшӧмъясӧс индӧма тайӧ статьялӧн 1 юкӧнын, Коми Республикаса Веськӧдлан котыр пӧртӧ олӧмӧ ачыс либӧ (тайӧ статьялӧн 1 юкӧнса 2 пунктын индӧм уджмог кындзи) сыӧн уполномочитӧм Коми Республикаса олӧмӧ пӧртысь власьт органъяс.

5 статья. Бӧркыв

1. Тайӧ Оланпасыс вынсялӧ сйӧс официальнойӧ йӧзӧдӧм бӧрын дас лун кольӧм мысти.

2. Коми Республикаса Веськӧдлан котырлы примитны инӧда актъяс, кутшӧмъяс могмӧдӧны тайӧ Оланпас збыльмӧдӧмсӧ.

Коми Республикаса Юралысь

В.В. Уйба

Сыктывкар

2021 вося йирым тӧлысь 7 лун

84-РЗ №